

En memoria da
Hermann Cavegn-Cavigelli
1943 - 2023

In sguard anavos sin la veta dil defunct Hermann Cavegn-Cavigelli.

Il defunct Hermann ei naschius ils 20 da matg 1943 ual cheu sper baselgia e quei sco 5avel affon da 7 fargliuns.

El veva pia avon cuort astgau festivar siu 80avel anniversari.

Ils geniturs ein stai: Placi Cavegn e Victoria Cavegn nata Deragisch.

Cunquei che nus vein piars nies car bab gia igl onn 1949 e nus eran tuts aunc affons da scola e per part aunc pli giuvens, (Il frar grond veva 14 onns e la sora pintga in onn e miez.) aschia san ins s'imaginar tgei che ei vegniu sur da nus e surtut sur da nossa cara mumma.

Suenter las scolas da vischnaunca ei il frar Hermann serendus a Turitg per emprender il mistregn da stagner (Spengler) ed instalatur sanitar. Sin quei mistregn ha el luvrau sia entira veta. El ei pia staus fideivels a siu mistregn elegiu.

Suenter il temps d'emprendissadi eis el lu beingleiti turnaus anavos en sia patria. Ei sto esser ch'el era buca ual il tip per restar ella bassa.

Suenter ver luvrau plirs onns tier differentas firmas cheu en Tujetsch ha el fundau sez fatschenta la quala el ha lu dau si in temps avon la pensiun

Igl onn 1969 marida el sia carezada dunna Erica naschida Cavigelli. Els han giu dus affons numnadamein la Monica ed il Rinaldo.

Circa igl onn 1980 baghegian els in casa a Nirièl e habiteschan leu tochen il di dad oz.

Circa Igl onn 1967 ei il defunct entaus ella societad da musica Sedrun ella qualla el era aunc adina, malgrad che las forzas lubevan buca pli da prender part da tala. Ils davos onns adempleva el plitost igl uffeci da pedell per dar ora meisas e bauns dalla societad.

La lavur e la musica eran propi san ins dir sia veta.

Dapi zacons onns ei il dfunct staus mudergiaus cun differentas malsognas.

Avon cuort temps sto el serender el danovamein spital a Glion. Lu cuortamein han ins tarmess el el da casa val Lumnezia, suenter paucs dis lu puspei el spital e suenter paucs dis lu la diagnosa ch'el hagi canzer. Suenter quella diagnosa ein spari mo aunc zacons dis e gia vegn la novitad ch'el sigi morts.

Igl ei stau ina novitad sorprendenta malgrad ch'ei fuva clar che in migliurament fuva buca da spetgar pli.

Nus lein ussa sperar ch'el gaudi la pasch celestiaala ensemen cun tuts parents, amitgs ed enconuschents che han gia bandunau nus.

Car frar ruaussa en pasch